



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ioannis Bugenhagenii Pomerani Annotationes ab ipso iam  
emissæ. In Deuteronomium**

**Bugenhagen, Johannes**

**Basileae**

**VD16 B 9247**

Argumentvm Historiae Regvm.

**urn:nbn:de:hbz:466:1-36133**

Septimū. Incredulitas apparet in falso cultu dei & liberi arbitrij uirtutibus & consilijs humanis, sicut in Achis & Saule & in consilio faciendi regis & instituendae reipub. quae laudarentur ab homine.

Octauū. Discrimen regni corporalis, quod in externis tantū rebus est, & regni spiritualis quod in conscientijs hominum est, Illud deus administrauit per homines, hoc per Christum solū, & illud in hoc respiciebat & ad hoc seruabatur. Illud quā infeliciter saepe sine deo gubernatum sit, historiae testes sunt, ut uideas quā impia sint omnia in conscientiae regimine si nō illic dei uerbum regnet.

ARGUMENTVM HISTORIAE REGVM.

Post Israëlitici populi iudices quorum ultimus Sanson legitur, occasio regy nominis & regni in libri regū exordio statim describitur, nempe q̄ filij Eli sacerdotes impie agebant, nec minus impie post iudicabant populum filij Samuelis, Ad sacerdotes enim post iudices ex ea historia uidetur peruenisse iudicialia potestas, vnde coacti, tamen impie, petunt regem more gentium, Verum ne tam ardua res tentaretur in illo populo sine dei uerbo deus ipse iussit inungi Saulem, quo reprobato confirmatum est regnum Dauidi

Et semini eius in æternū, Sceptrum hic in Iuda & dux ex Iudæa scemore mansit usq; in Christum regem æternum. Hinc illud semen regium Davidis deus perire noluit ne in tam insignibus quidem sepe regum impietatibus, ne in Babylonica quidem captiuitate, id quod finis quarti libri indicat. Quod uero regnum decem tribuum ab isto Davidis regno post mortem Salomonis desciiuit perpetua impietate laborauit quoad è terris sublatum est.

Samuelem propterea puto ab Hebræis primos duos libros appellatos, q̄ Samuel Iudex in Israël qui principatum quasi per manus traditurus erat filiis suis, iussu dei inuinxerit & potestatem suam tradiderit duobus regibus primis in Israël Sauli & Dauidi, quorum uita & regimen his duobus libris continetur, sed alterius regnum abiectum est, alterius confirmatum in æternum. Tertium uero librum & quartum proprie regum uocant, q̄ in ipsis regnum propter peccatum Salomonis diuisum describatur, & seorsum reges Iudæ & reges Israël. Nos uulgo quatuor libros regum dicimus, q̄ in his reges populi in Israël describantur usq; ad Babylonicam captiuitatem.